

DEO OPT. MAX. VNI ET TRINO, VIRGINIQUE DEIPARÆ, ET S. LVCE, ORTHODOXORVM MEDICORVM PATRONO.

QVÆSTIO MEDICA,  
CARDINALITIIS DISPUTATIONIBVS MANE  
DISCVTIENDA IN SCHOLIS MEDICORVM, DIE IOVIS, VII. MARTII,  
M. IOANNE DE BOVRGES, Doctore Medico, Præside.

*An vinum Belnense potuum vt suauissimum sic saluberrimum?*

1013

**D**EMVL CENDIS hominum curis aptius excogitari nihil potest mensâ multiplici ferculorum varietate instructâ. Hæc vt iucundum sic & salubre conuiuii antea paululum exercitatis spectaculum est, nec tunc epulæ lautiores sanitatis studiosis adeo, vt tetrici quidam prædicant, pertimescendæ: vniformis alimonix tædio sape stomachus languet, qui ciborum varietate, imò & liberaliore inuitatione recreatur, & ad instauranda coctionis officia redditur vegetior: habet tamen potus aliquid supra cætera palati blandimenta, quod animum ipsum afficit mirificè; hinc conuiuium à potiori parte *conuiuii* Græcis dictum; hinc leges conuiuiales, libationes, propinationes, paterarum coronationes, cottabus, & eiusmodi complures Philosophis principibus non ignotæ, ferè circa bibendi formam omnes versantur, vt reuera voluptas mensarum atque delicix semper habitus fuerit potus; ex cuius suauitate, conuiuij festiuitas omnis & elegantia venit æstimanda.

**P**OTVS homini multiplex. communis vnus illi cum belluis aqua, inter alimenta nullum, infimum inter potulenta locum tenens: proprii pro nationum diuersitate quamplures & varij, suis quique peculiaribus præditi virtutibus aut vitiis. Ex hordeo, tritico, lupo salictario aquæ incoctis zythum sibi Septentrionalium regionum incolæ conficiunt, nutriendum illud quidem haud parum, at potenter capui feriens, grauèmq; ac discusso difficilem inducens ebrietatem. Nortmannis familiare pomaceum refrigerandi humectandique vi pollet, non eò tamen vsque, vt eius vsu vel continuo leucen quis vnquam còtraxerit. His & aliis quibuslibet potuū generibus vinum longo antequam interuallo, cuius scilicet penuriâ adinuerti illi omnes, qui quidem ad eximias vini dotes quò accedunt propius, eò censentur præstantiores.

**E**ST tamen aliquis habendus in vino ipso, & ad gratiam, & ad sanitatem delectus. Vt colore à se inuicem, sapore, odore, consistentiâ vina differunt, sic viribus: nec injuriâ præceteris expetitur dilutè rubrum, perspicuum, odorum, dulcedinque simul & austeritatis modicæ particeps. At tale non vbique locorum reperias: hic non nisi nigrum, acerbum, crassumque nascitur, quod in alendo potens, ignauum in permeando; illic album tantum, tenue, acidulum, nutriendi calefaciendique minimam, magnam vrinas sudoresque mouendi vim habens: alibi dulce ac turbidum, soliamicum thoraci, reliquis insensum visceribus adeo verum est terras ferre omnes omnia non posse: densa magis Cerei, rarissima quæque Lyæo congruit; nec vni vitium cultura, sed maximè cælo, soloque natali vini bonitas debetur accepta: hinc celebrata Græcis Lesbium, Rhodium, Tmolites; Romanis Cæcubum, Falernum, Surrentinum; nobis Aurelianum, Valsconianum, Campanum, Burgundianum; inter quæ suauitatis vnâ & salubritatis palmam nemo non eruditus symplosiastes Belnensi vltro concesserit.

**B**ELNA Heduoꝝ vrbs, alia à veterum Bibracte, amcenâ sita est in planitie, limpidis hinc inde aquis irriguâ, non longè à collibus Baccho plurimum dilectis: illic confixæ vites fundum offendunt nec densum nimis nec resolutum, propiorem tamen soluto; nec exilem nec latissimum, proximum tamen vberi; nec siccum nec vliginosum, at modicè roscidum: solo suffragatur cælum: non hæc ad Solem vergunt vineta cadentem, sed Orienti opponuntur aut Meridici, distantque ab Æquatore Arcticum polum versus gradibus tantum sex & quadraginta, quatuor & viginti ab insulis Fortunatis. Accedit sedula ac singularis vinitorum industria, idoneis, quas apprimè norunt, tempestatibus pastinantium, pedantium, putantium, pampinantium, repastinantium, donec tandem largo pubescat vinea sæctu: tunc maturas decerpunt vvas: tunc plenis spumat vindemia labris, vbi non diu maceratur aut efferuiscit, sed statim prælo committitur, vnde roseus expressus liquor cis paucos dies defæcatur & clarescit, fitque potus & gratissimus, & à noxis, quibus alia pleraque infamia vina sunt, immunis.

**P**ROCVL igitur à mensis absint exotica, & quæcumque feruidioribus in plagis ac æstuosis vina pronascuntur, quæ aut immodico calore viscera torrent, vt Creticum, Hispanum, Frontinianum; aut crassitie ventriculo grauiasunt, vt Aurelianum & Burgundiana quædam; aut ferinas in pectus distillationes nimia suâ tenuitate mouent, vt Andinum; aut vaporosa admodum acrioribus fumis caput opplent, vt Valsconianum. Vni omnia cedant Belnensi, quod nullius reum noxæ oculis primùm, naribus & palato mirè blanditur; tum cibus in ventriculo persusum eorum coctionem distributionemque iuuat, excrementorum promouet euacuationem, redundantem pituitam corporis ac segnitiei parentem incidit ac percoquit, auctorem ac fautorem tristitiæ succum mitigat melancholicum, exhaustos curis aut labore spiritus reparat citissimè, vnde cordi lætitia, *et ægria* ac venustas ori, ingenio acumen, facultatibus denique omnibus robur accedit non mediocriter, vt omne in conuiuii punctum ferat is potus, vtile dulci exquisitè permixtum abunde suppeditans.

*Ergo vinum Belnense potuum vt suauissimum sic saluberrimum.*

F.E.P.  
BIBLIOTHECA

Proponebat Lutetiæ DANIEL ARBINET, Belnensis. A. R. S. H. M. DC. LII.